

文潞公文集卷第一

古賦

聖駕幸太學賦并序

國家以寰宇昭泰仍歲登平務恢儒風以章示黎獻
皇帝乃備法駕幸于太學詔諸儒博士講論前典親
臨聽焉臣獲逢休吉之期恭聞偉盛之事舞蹈不足
形於賦詠誠不能述宣上德褒讚形容姑第樵夫之
談以協擊轅之韻爾詞曰

炎宋受命之四葉皇上御極之三年九有成若六合
晏然黎庶躋于壽域文教燭乎水天朝無闕政野無

東京大學
東洋文化研究所所藏
漢籍善本全文影像資料庫

書名 文潞公文集四十卷 嘉靖五年高陵呂氏刊本
撰者 宋 文彥博 撰, 明 呂柟 校
卷 卷首
內容分類 集- 別集- 北宋
索書號 集部- 別集- 3- 28
編號 D7220100

[彩色首頁1](#)

[東洋文化研究所漢籍目錄 編號: D7220100](#)

[東洋文化研究所漢籍目錄所藏漢籍善本全文影像資料庫 索書號: 集部- 別集- 3- 28](#)

[漢籍善本全文影像資料庫文本文潞公文集四十卷 嘉靖五年高陵呂氏刊本](#)

版權所有: [東京大學](#) [東洋文化研究所](#)

[使用上的注意事項](#)

院學化文方東 第
No. 8656 册







刊文潞公集畧序

潞國忠烈公文寬夫集凡四十卷蓋其少子維申討
求追輯以成帙而葉尚書少蘊所為序行者也然今
板本不傳久矣沁水李司徒公叔淵家有抄本字多
差訛他日巡按山西潛江初公啓昭命柁校刊司馬
文正公集李公曰文公集亦不可以莫之傳也乃以
其本付解州柁得而校正其十七八焉初公遂命平
陽守王子公濟刊木以行嗟乎公之集誠不可以莫
之傳也柁常謂文行無二道知行惟一理其知真者
其行至其行高者其文實公方兒時已有取毬之智

及令翼日即用李本之策報在不言德如丙吉祈宿
殿廡勇若樊噲為相賢於夢卜上跽傳說知軍敏於
錢穀下陋周勃唐介一劾不惟與之同升其子亦至
集賢李稷一侮不惟使之八拜其父亦且死感沮汪
輔之以出御批真臥護比門之體抑夏竦以助明鎬
得討伐貝州之策即更張而諷安石或結社而請司
馬故契丹北狄亦稱天下之異人洛陽士庶乃立資
聖之生祠盖公天性忠誠器度宏深既畧且果亦重
而安是以臨事風生即物有方故其所著典冊章奏
辭賦歌詩凡以發所行耳觀者就其為人求之斯刻

者之意也

嘉靖五年秋七月

賜進士及第平陽府解州判官前翰林院脩撰
經筵講官高陵呂柟序

石林葉氏字略曰公平生所為文章上自朝廷典冊
至於章奏議論下及詞賦歌詩間適之辭世猶未盡
見兵興以來故家大族多奔走遷徙於是公之集藏
於家者散亡無餘其少子維申稍討求追輯猶得二
百八十六篇以類編次為畧集二十卷而屬某為序
噫公之所謂文者遠矣重德偉度足以鎮服四夷精
識遠慮足以錯綜萬務博聞強識足以貫通九流謹
論嘉言足以弼成百度世之區區事其語言以一藝
自名者未足以論公也公未嘗有意於為文而因事
輒見操筆立成簡質重厚經緯錯出譬之賁鼓鏞鐘

音節踈緩雜然並奏於堂上不害其與嘒嘒簫韶舞
百獸而諧八音也昔韓愈論于頔之文曰變化若雷
霆浩汗若江河正聲諧韶濩勁氣沮金石頔何足以
當之其公之謂歟

文路公文集卷第一

古賦

聖駕幸太學賦并序

國家以寰宇昭泰仍歲登平務恢儒風以章示黎獻
皇帝乃備法駕幸于太學詔諸儒博士講論前典親
臨聽焉臣獲逢休吉之期恭聞偉盛之事舞蹈不足
形容賦詠誠不能述宣上德褒讚形容姑第樵夫之
談以協擊鞞之韻爾詞曰

炎宋受命之四葉皇上御極之二年九有成若六合
晏然黎庶躋于壽域文教燭乎水天朝無闕政野無